

Kesäterhveiset Kieliraatista

Tämänkertasen Kieliviestin meänkielissä osassa oon vähän erilaiset tekstit ko tavalisesti. Saama lukea Huhta Linnear tarinan siittä kunka häntä alko kiinostamhaan meänkieli ja olletikki kirjottaminen ja kääntäminen. Sitte kesän kunniaksi saama lukea kaunokirjalisen tekstin ämmästä joka souti Muonionväylää. Sen oon kirjottannu Lindströmin Sofia, joka lukkee meänkieltä Uumajan yniversiteetilä.

Met haluama muistuttaa sinua Kieliviestin lukija, ette ota yhteyttä Kieliraathiin ko sulla tullee kielihunteerinkia meänkielestä, kysymyksiä eli jos sie haluat vaikka kommenteerata jotaki mitä oon ollu Kieliviestissä. Eli missä vain meänkielisessä yhtheyssä! Se oon aina mukava ja intresantti kuula teistä ja saaha teän kysymyksiä ja freistata hakea

vastauksia niihin. Hoksaa kans ette monet meänkieliset Kieliviesti-tekstit oon käänetty kans ruottiksi. Net sie löyät Isofin kotisivulta: <https://www.isof.se/sidor-pa-nationella-minoritetsprak/meankieli/kieliviesti>.

Heti met alama planeeraahmaan kans seuraavaa meänkielen tikitaalista seminaaria, joka oon nuvemperissä 2021. Onkos sulla jotaki toihveja siittä? Lähätä sinun iteat meile, otama niitä mielelä vasthaan. Kirjota e-postia meankieli@isof.se, soita 0200-224 022 eli lähätä viestiä Instagramissa <https://www.instagram.com/kieliraati/>.

Sommaa kessää!

Elina Kangas
meänkielen kielenhuoltaja
Kieliraati, Isof